

TSO TAWM TAM SIM
Hnub: 3 Hlis Ntuj tim 18, 2021

Hu/sau ntawv rau: Jeff Fleming
(414) 286-8580
jeff.fleming@milwaukee.gov

Milwaukee Health Department Hloov Qhov Kev Xaaj
Rau Kev Noj Qab Haus Huv Hais Txog COVID-19
Hloov Lub Hom Phiaj Yuav Ua Kom Paub Tseeb Txog
Tus Txheej Txheem Yuav Rov Qab Qhib Dua

Milwaukee – Muaj kev hloov ntau rau qhov kev xaaj rau kev noj qab haus huv tam sim no uas yuav pib hnub Friday, 3 Hlis Ntuj tim 19, qhov kev hloov yog los txo tej yam kev txwv nyob rau qhov kev xaaj dhau los. Qhov Kev Xaaj Tshiab Rau Kev Noj Qab Haus Huv Ntu 6 yuav los hloov qhov Kev Xaaj #4.4 uas siv tau 6 lub lim piam dhau los.

“Qhov kev xaaj rau Ntu 6 qhia txog 2,3 yam ntawm COVID-19 xws li kev muaj mob txo nyob hauv Milwaukee thiab feem pua ntawm cov neeg kuaj tau muaj mob COVID-19 txo lawm thiab,” Tus Thawj Tswj Milwaukee Health Commissioner Kirsten Johnson hais. “Txawm hais tias peb hla ib kauj ruam mus tom ntej lawm los, peb yuav tau ceev faj rau qhov COVID-19 tseem yog ib yam txaus ntshai nyob hauv peb lub nroog.”

Tej yam hloov uas tsim nyog paub nyob ntawm qhov kev xaaj rau kev noj qab haus huv tshiab muaj xws li:

- Chaw ua zaub mov noj muag thiab chaw haus dej haus cawv yuav pom hais tias yuav pub neeg tuaj mus siv coob ntxiv thiab yuav tsis muaj kev txwv ntau rau cov neeg nyob rau hauv lub tsev uas yuav ncig mus los. Txawm hais tias yuav tsum muaj rooj rau neeg zaum thiab hais kom lawv zaum, yuav tsis hais kom lawv zaum tshwj xeeb thaum lawv noj mov thiab haus dej.
- Cov chaw cia neeg tuaj saib khoom, tsiaj thiab ua si (museums) yuav qhib tau tab sis tsuas pub neeg coob npaum li cas xws thiab muaj kev tiv thaiv xws li npog qhov ncauj qhov ntswg.
- Cov chaw neeg ua kis las thiab ua si lom zem tam sim no pub 6 tus neeg mus saib ib tug neeg ua kis las los yog ua si thiab pub cov neeg mus saib coob txog 750 tus neeg nyob rau hauv tsev los yog 1,000 tus neeg nyob rau nraum zoov tsuas yog kom muaj chaw rau neeg nyob kom sib nrug. Ib daim ntawv npaj kom muaj kev nyab xeeb uas tau kev pom zoo yuav pub neeg mus saib tau coob.
- Qhov kev xaaj yuav tsi txwv cov qhua mus saib neeg nyob hauv cov tsev laus.

Nws yog ib qho tseem ceeb uas yuav tau nco ntsoov hais tias cov ntsiab lus hais txog saib xyuas kom muaj kev yab xeeb thiab muaj kev tiv thaiv tseem nyob li qub. Tej yam ntawd xws li npog qhov ncauj qhov ntswg, nyob sib nraug, tu tej chaw neeg siv/rooj tog/txee, thiab muaj txoj cai txwv rau cov neeg ua hauj lwm uas lawv tau nyob ze ib tug neeg muaj mob los yog muaj tus tsos mob

COVID-19. Milwaukee Health Department tseem yuav tswj qhov kev xaaj ntawd ntxiv mus, thiab tej zaum yuav raug nplua nyiaj ntau yog yuam cai rau qhov kev xaaj.

Muaj tag nrho qhov kev xaaj nyob online ntawm city.milwaukee.gov/MMFS.

Health Department tau muab lub hom phiaj hloov thiab siv los tsim cov kev txwv seb yuav txwv ntau npaum li cas nyob rau hauv lub nroog qhov kev xaaj rau kev noj qab haus huv. Tus qauv yeej tsis pauv li txij thaum lawv xub siv yuav luag 10 lub hlis dhau los. Lawv yeej muaj tej yam xws li txaj rau neeg pw hauv tsev kho mob, taug qab cov neeg muaj mob, thiab puas muaj khoom siv tiv thaiv txaus siv. Tus qauv muab kho tshiab thiab ua kom yooj yim me ntsis kom muaj kev ntsuas xws li 100,000 tus neeg muaj pes tsawg tus muaj mob thiab feem pua ntawm cov neeg tau txhaj tshuaj.

Hauv qab no yog daim ntawv kos qhia txog lub hom phiaj tshiab;

Hloov Lub Hom Phiaj Tshiab

	Kis Mob Tsawg	Kis Mob Ntau Tsawv	Kis Mob Ntau	Kis Mob Ntau Heev	Kis Mob Ntau Tshaj
Coj Milwaukee Mus Ntu Tom Ntej Kom Muaj Kev Nyab Xeeb	Ntu 7	Ntu 6	Ntu 5	Ntu 4.4	Ntu 4.5
Feem pua ntawm 100,000 tus neeg muaj mob COVID-19 nyob hauv 7 Hnub twg	0-9	10-49	50-99	100-149	>/=150
Feem pua ntawm cov neeg kuaj tau muaj mob nyob hauv 7 hnub dhau los	<5.0%	5.0% to 7.9%	8.0% to 9.9%	10.0 to 11.9%	>/=12.0%
Feem Pua Ntawm Cov Laus Hauv Zos Txhaj Tshuaj	>/= 80%	N/A	N/A	N/A	N/A

Milwaukee Health Department yuav soj ntsuam cov hom phiaj no mus ntxiv li 2,3 lub lim piam tom ntej no. Tej Zaum yuav muaj kev hloov rau qhov kev Xaaj Rau Kev Noj Qab Haus Huv Rau Ntu 6 no yog hais tias lub hom phiaj ua tau zoo tuaj los yog tsis zoo.

###